

隨園女弟子詩選

後冊

隨園女弟子詩選卷四

陳長生

字齋先生之孫女太常卿星

長夏偶成

幽檻不知暑吟成自據梧苔痕沿砌盡絮影出簷無插架嚴蟬禁空梁任燕租簟紋涼似水小坐足清娛

夢醒口占

金箔橋邊宅分明此夕歸忽驚風瑟颯始悟夢依稀經宿篆香古薄寒燈影微深宵增遠思落月滿窗扉

城南晚歸

城南天尺五地僻豁雙眸樹色鴉邊暮人家雁底秋烟光迷淺浦嵐氣接層樓更愛迴車處蒼蒼蘆荻洲

夾竹桃

穠華爛漫不勝描却愛迎風翠影搖地擬渭川生錦浪人來湘浦泣紅潮儘教綽約貞常抱為報平安恨始銷知有凌霄清節在不須錯認董嬌嬈

其二

小窗依約寫橫枝。淺暈輕烟看尚疑。紅雨一蹊驚昔夢。綠陰三徑感秋期。
天寒幽谷人初倚。水暖春江畫亦宜。愛爾清妍偏耐久。年年開過菊花時。

初夏

未必春殘勝事稀。綠窗人靜惜芳菲。雨餘瘦蝶伶俜舞。風軟閒花自在飛。
偶課金經頻檢字。為調玉軫罷裁衣。屏紗欲掩還重啟。好待雕梁乳燕歸。
虛堂瑟瑟度南薰。炷盡沉烟散午芬。沸鼎茶聲疑作雨。隔簾花氣欲生雲。
嘔心句少吟逾苦。信手棋多敗亦欣。小倦不須尋素簟。碧闌干外易斜曛。
病起見盆梅偶成

辜負韶華事藥爐。忽驚古盎挺虬株。雪餘孤萼寒猶斂。風定疎香淡欲無。
小坐對君成主客。無言伴我各清臞。挑燈留住橫斜影。寫向屏山作畫圖。
禮佛詞六首

刀尺蘼鹽現在身。怕教羅綺昧前因。偷閒得傍慈雲座。願作西泠善女人。
敲棋鬪茗兩忘機。為課楞嚴暫掩扉。隨分編茶儂自稱。底須新製水田衣。

瞳瞳朝旭上東隅稽首新瞻掃象圖寫罷金經三百字不曾妨却繡工夫
欲覓名花供法王露蘭霜菊總尋常何如參破華嚴界領取優曇自在香
細熟都梁滿鴨爐又參微悟學跏趺重簾鎮日雲垂下依舊沉烟散欲無
雨過庭蕉還浙瀝風來簷鐵自丁冬綠窗儘足聲聞悟不聽迦藍寺裏鐘
枕上口占

街鼓分明枕上聽又疑身已到西泠朦朧起認窗前燈漸殘時夢漸醒

夏日

虛堂人靜淡千秋敲罷殘棋局未收槐陰一庭簾不捲日長閒煞小銀鉤

嚴蕊珠

字綠華吳江人未字著有
露香閣詩草年纔十七

隨園夫子舟過吳門向選樓母舅索拙句作此志謝

到處渾同說項斯品題直欲到蛾眉憐儂學綰靈蛇髻尚少風前詠絮詩

春日雜詠

簾鎖爐香盡日垂曲闌低亞坐題詩慈親指點桃花笑憶否當年顰面時
粘天芳草翠平鋪三月江南似畫圖小立溪邊春被袂水中人影萬花扶

薄寒天氣掩窗紗九十韶光半已賒
戲剪彩幡庭畔立教他常護未開花
如烟小雨潤苔衣花塢風酣蛺蝶飛
楊柳多情又多事綰將春到放春歸
鶯脰湖權歌

淡妝濃抹變晴陰柳色花光間淺深
描出西湖新樣子亭臺一簇擁波心
鏡面波光點黛螺鳴榔處處起漁歌
朝來幾陣廉纖雨雪色銀魚上網多
紈扇

織就蟬紗薄蒲葵樣不同清風生袖底
皓月落懷中製羨班姬巧詩慚柳
惲工夜深搔小院螢火墮光紅

新秋次媚川母姨韻

碧紗風細鎖香遲研露新編舊製詩
爭羨詩人居福地玲瓏新築小仇池
纖梅翠岩兩兄讀書浮玉樓爰呈二律

丈窗窈窕敞空虛棣萼樓高得所於
笙典珠墳探二酉露研雪纂課三餘
桐花棲穩收香鳳芸葉驅除蝕字魚
排闥雲山來萬疊詩情畫意更何如
棠棣花開最上頭彈琴擊鉢共夷猶
清才雅續聯珠集妙手雙修五鳳樓

風送漁歌來研席燈催燕影上簾鉤定知兄弟憑闌飲不吸長江勢不休
歸鴻曲

春風一夜到衡陽旅雁驚心覓故鄉寶瑟無聲明月冷幾行殘字落瀟湘
夜觀秋千戲

梨花乍開杏花落深院朦朧月色薄雙竿百尺立中庭淡雲低護紅絲索
美人玉貌超凡羣半酣結束紅羅裙留仙不住忽飛起丁冬環珮空中聞
一笑低頭顧女伴腰肢無力飄揚緩髻斜墮馬玉釵垂眼底明霞烘頰煖
百樹金盤絳蠟燒氤氳香霧迷春宵簾幕沉沉漏聲永五銖衣薄猶含嬌
翩躚再試迴鸞舞彷彿霓裳別翻譜飄飄繡帶曳長虹影墮簷前驚鸚鵡
浮玉樓晚晴

浮玉全遮柳人家掩映居風輕扶弱燕花落聚魚渡靜橫孤艇農歸倚
短鋤河汀新霽後最愛畫難如

寄戴柔齋夫人

聞川烟水望迢迢我住松陵第四橋他日挂帆容訪戴不逢雪夜即花朝

桃花塢

淥水抱桃林春風吹爛漫深塢鳥聲幽隔花人影散憑弔讀書廬夕陽紅雨亂

秋日雜興

垂虹秋色五湖連雁響孤蒲宿渚烟簾捲西風雲影散洞庭飛翠落窗前
研光牋滑兔毫柔落墨須教腕力適開匣怕枯鸚鵡眼一泓秋水洗雙眸
泉試茶紅活火烹玉棋敲落月三更西風亂剪芭蕉葉斜掠書窗夜有聲

錢琳

字曇如杭州人福建布政使錢琦女嫁同里汪海樹秀才

夜雨

一夜蕭蕭雨西風夢不成芭蕉三兩葉多半作秋聲

春日偶成

韶光已過賣錫天風景依稀似去年莫訝綠窗人意倦吳蠶宮柳各三眠
題夢香生倣陸放翁詩意畫冊

黛色千峰秀波光一道流似將銀漢水添作大江秋

梧桐一百尺日

日呼童洗苔徑綠無塵時時落桐子

西溪清且淺樹樹梅花發折得

一枝歸清漪弄明月

題畫扇

月落鴉寒暮靄平小橋流水一灣橫幽人別有看山興黃葉聲中自在行

隨園先生以湖樓閨秀十三人送行詩冊命題得四絕句

記從澄碧小齋前窺見婆婆鶴髮仙欲說先公舊交誼未拈詩筆已悽然

中郎曾與顧雍名

先君觀察京江適先生來而家五兄初生遂以己名與之今早及第

三十年來離合情

却笑阿兄真好事又教女弟拜門生

湖樓佳話遍錢塘閨閣聯吟集錦

章恰似簪花好書格洛神傳刻十三行

題孫淑人梅花小影

林下高風屬謝家清於仙鶴淡於花闌干不放纖塵到日暮天寒翠袖斜

隨園先生再遊天台而歸招集湖樓作別分得山字

仙翁遊戲此身閒曳杖新從華頂還屈指平生幾兩屐夸人飽看萬重山
詩壇久作風騷主閨閣頻添弟子班自愧驪歌未能唱也教絳帳一追攀

奉題隨園先生歸要圖

玉堂佳話久流傳，却扇詩成五十年。
絲竹東山尚偕隱，翰林春夢早遊仙。
問天長乞清閒福，展卷重添筆墨緣。
他日後堂花似雪，可容來作女彭宣。
題女史何仙裳畫

筆底春風取次招，綠窗清課靜中消。
靈心此似天孫錦，細織雲絲十萬條。
綽約丰姿展卷看，仙家抱得骨珊珊。
畫中標格誰堪擬，清過梅花韻過蘭。
綠蝴蝶和實庭兄韻

分明么鳳是前身，相賞宜開綠酒樽。
飛近楊花春有影，倦棲芳草夢無痕。
畫將眉嫵疑輕黛，翠接羅浮有斷魂。
可是仙家裙一幅，幻形飛出碧雲根。
王玉如雲南人令宜廉使蓮室

和隨園先生自壽元韻十首之一

尚書小楷尚登樓，用先龍馬精神正未休。
山得標題成勝蹟，事經手筆定千秋。
非關到處能行樂，自是生來不帶愁。
漫說鹿鳴秋宴近，大羅天上再遨遊。

題淨香女史小照

先生筆底掃纖埃。千里遙聞絕調才。料得繡餘清詠處。冷香飛入句中來。

春陰

東皇愛惜牡丹深。費盡量晴較雨心。雨恐太寒晴太暖。為花連日作春陰。

畫菊

西風叢桂正含香。籬菊先開不待霜。暫向毫端借秋色。何妨八月寫重陽。

夜坐

爐烟細裊碧窗紗。人靜天空北斗斜。滿院蟲聲一簾月。夜深風露落桐花。

陳淑蘭

字蕙卿。庠生鄧宗洛之妻。鄧生溺死。淑蘭自縊。

春燕

去歲營巢最苦辛。今年飛舞又逢春。雕梁畫棟知多少。偏肯呢喃訪故人。

聞鐘

日落又黃昏。閉目匡床坐。聽得一聲鐘。萬古塵心破。

夏日書懷

簾幙風微日正長庭前一片芰荷香人傳郎在梧桐樹妾願將身化鳳凰

梧桐樹地名
郎讀書處也

金陵感舊和韻

玉樹歌殘不忍聽六朝金粉半凋零而今只有天邊月曾向陳宮照後庭

寄懷吳姑母

手理紅絨坐綠窗懷人真覺晝偏長回思昔日湘簾下共把金針繡鳳凰

繡餘吟

繡餘靜坐發清思煮茗添香事事宜招得階前小兒女教拈針線教吟詩

讀月霞氏詩追感二首

夜半挑燈正欲眠忽傳珠玉好詩篇吟來恍入班昭坐悔我遲生二十年
細雨紛紛夜氣寒那堪感舊意闌珊同生此世為同調緣薄三生一面難

感懷

幾日春風氣漸和忽逢霜雪又相磨雖然未損幽蘭韻已覺同拋珠淚多

吳姑母問冬寒尚彈琴否賦此奉答

有負中庭月幾圓非關指冷怯冰絃自從家事分心後拋却絲桐已數年
病中口占

執手殷勤問夫君誼最深為儂多染病分却讀書心
幾欲臨窗坐腰肢不自由病多羞對鏡力怯嬾梳頭
強步到簾櫳濃陰滿院中草肥應是綠儂瘦却消紅

對蘭

晝長偷得繡餘工坐領清香趁午風我對幽蘭蘭對我素心相照不言中
素綾繡字呈隨園太史索詩序

我有妝臺句才疎未敢投若經燕許筆閨閣亦千秋
一代駢詞體知公最擅長瓣香花底囑錦字換文章

寄竹軒兒

自從分袂上征車趙北燕南天一涯料得瀟瀟風雨夜秋來容易客思家
六月椿堂病忽生歸甯常侍月華明可堪慈母將頭指白髮新添又幾莖
十月十五夜雙瑞堂前作

風捲浮雲半點無。果然月朗眾星疎。遙知此際秋齋裏，正照檀郎夜讀書。
寄和會書屋

小院清香撲面來。拋針幾度立蒼苔。幽蘭亦有懷人意，素蕊微含不放開。
憶蘭

二月春閨冷氣侵。金爐撥火自沉吟。百花都在兒心上，不及芳蘭繫念深。
對月

開簾欣見月團圓。素手焚香整鬢鬟。拜問蟾宮一枝桂，今秋可許鄧攸攀。
病中

風雨深閨伏枕時。萬重心緒惹愁思。自憐尺二腰圍減，尚是瞞郎不使知。
七月初九夕大雨定更時星月交輝矣吟以誌之

纔見雲迷雨亂飛。忽然星朗月光輝。天時人事都無定，堪笑癡人料是非。
立秋前一日再寄竹軒兄

一夕西風雨送涼。何時剪燭話更長。人離膝下分南北，不及青天雁一行。
謝贈佛手

堪愛玲瓏壓衆芳，知君惠我意偏長。
深閨不用焚龍腦，纖手拈來是佛香。
秋夜偶吟

蟲韻風聲助嘯歌，香飄丹桂落銀河。
秋光更比春光好，宋玉如何感慨多。
十月五日作

病體支持倚竹床，未甘同夢愧鴛鴦。
多君自捲青袍袖，手拂雲霞代理妝。
謝隨園夫子詩序

時甲辰新正二日

果然含笑過新年，公來札云使蘭含笑而過新年也已得名傳太史篇。
儂作門生真有幸，碧桃花種彩雲邊。

詠春草寄竹軒兒

已見苔階色漸滋，池塘春暖夕陽遲。
最憐綠到他鄉日，遊子天涯有夢思。
踏去弓鞋綠可憐，凝眸望處影連天。
自從雁序分飛後，春到江南又一年。
題畫

種得忘憂草，花開一倍妍。
爭如圖畫上，顏色自年年。

甲辰春月偶過隨園，適夫子赴粵遊羅浮，奉懷四詩書於壁上。

為訪名園偶駐車遊仙人已去天涯自慚繡得簪花格猶領春風護絳紗

蘭所繡詩白夫子裁作門簾故云

高下亭臺位置宜花飛水面鳥穿枝貪看魚影歸

家緩閒倚闌干弄釣絲

想到羅浮夢亦閒先生比去幾時還公然白

髮添遊興天與精神看好山

幾度蒙招未暇過

蒙招看梅看燈

居然人似隔

天河

五字即公朝考詩句

非關儂性耽疎嬾半為風多半病多

王碧珠

字紺仙蘇州人汪心農蓮室

紅梅和韻

梅妃寵罷賦長門偶著紅綃格韻存修竹斷霞三徑晚空山香雪一枝溫
林妻中酒顏初暈河閣燒燈月有痕只恐牧童初睡醒誤將鄧尉認桃源

春暮過樂園

荼蘼架上雨初乾雙燕銜泥數往還小院無人春寂寂竹簾低護鼠姑殘

瓶荷

雅韻比君子相看意氣同影搖疑瀉露香度不因風入室聯蘭臭當窗映
日紅一瓶清可挹吟詠助詩筒

冬夜月下聞笛

院靜霜初下。誰家玉笛橫。樓頭寒月上。窗外白雲生。調逸疑三弄。風高送一聲。餘音聽不倦。獨坐愛雙清。

新柳

東風剪出柳如絲。正是尋春繫舫時。乍聽枝頭鶯語澁。尚憐無力影垂垂。試硯齋同妹意珠賞菊

九月霜花淡勝濃。捲簾日夕對秋容。香生四壁堪同賞。不獨餐英有阿儂。奉懷隨園夫子

還山應為著書忙。此日園林風露涼。料得秋窗添晚景。玻璃屏映菊花黃。彩雲高護老人心。閨閣多才共執經。獨愧徵詩珍重意。愚姊妹未嫻吟詠。頃蒙索詩再三賦。

以誌感也容問字到元亭

朱意珠

字寶才。蘇州人。汪心農造室。

冰心蠟梅

一樣南枝結束殊。額黃點點水雲孤。天寒只合藏金屋。心淡誰知託玉壺。

風動麝臍珠顆細月明磬口雪花麝清標若遣涪翁見可有嘉名更喚無

蠟梅原名黃梅稱蠟者山谷所改也

新柳

桑蕾初勻淺碧鮮東風蘸水舞翩翩乳鴉飛上梢頭嫵最好江南二月天

苔錢

空階風雨久苔蘚似青錢不共古榆落還疑細草穿篆文傷剝蝕蝸迹遍中邊難買春光好何須箇箇圓

南樓觀漲

潏潏橫流急川原一望同斷雲低度水遠岸欲浮空鷺立菰蒲外鷗飛滅沒中相看情未已暮雨又濛濛

試硯齋瓶菊

草堂無物伴身閒情寄幽香几席間想像高人饒逸韻東籬採罷對南山

奉懷隨園夫子

江風吹暑催歸速秋澹倉山悵各天雜佩曾貽瓊玖重

今夏蒙賜水晶瓶玉扇墜諸珍名